

龍
膏
記

龍骨記

龍膏記

古本戲曲叢刊二集

古本戲曲叢刊編刊委
員會影印長樂鄭氏藏
汲古閣刊本原書版高
二十公分寬十三公分

龍膏記目錄

卷上

第一齣

叙傳

第二齣

旅况

第三齣

寵賜

第四齣

買卜

第五齣

起釁

第六齣

成隙

第七齣

閨病

第八齣

投膏

第九齣

開閣

第十齣

酬詠

第十一齣

傳情

第十二齣

邂逅

第十三齣

旣媒

第十四齣

藏春

第十五齣

羅織

龍膏記目錄上

終

龍膏記卷上

第一齣

叙傳

玉樓春

末上

樓臺絕勝宜春苑此外俗塵都不染

飛花送酒舞前簷好鳥迎春歌後院

且看欲盡

花經眼青鏡流年驚髮變玉壺春酒正堪携莫惜

追歡歌吹晚

問答照常科

滿庭芳淑女湘英才郎無頗仙都暫謫人間暖金

盒內藏着巧姻緣就裡龍膏起死閨中秀再整芳

顏酬恩處新詩寫意邂逅訂盟言

一朝嫌隙起

恩將讐報獄底含冤幸脫離患難上苑臚傳縱得
一枝梅信還隔着楚水巫山塵劫滿重逢金盒指
點証僊緣

張進士天宮散吏

元小姐水府僊媛

袁大娘撮成奇遇

郭令公契合天緣

第二齣

旅况

瑞鶴僊

生巾服扮張無頗上

弱冠工詞翰論平生

才具東南竹箭子虛猶未獻冀觀光帝里探花上
苑乘輿遠幸知甚日南宮開選嘆異鄉久滯客囊

將罄旅懷難遣

鷓鴣天

曉樹烏啼客夢殘
劍光橫

雪玉龍寒公車未結王生襪
客路虛彈貢禹冠
裁錦字吐琅玕
有才無命說應難
東風不爲吹愁去
對此空冷洒淚看
小生姓張名無頗
南康人也擅美三清研
幾十篋偉龍章之秀質
騰孔雀之俊年學海驚瀾
綴珠鱗于濯錦文江
翻浪織玉漱以韜霞
倒峽懸河幸存張儀之舌
含經味道曾遺公叔之冠
哎只是漢庭無狗監之游揚
北海乏孔融之賞鑒
以故漂零蓬斷世業漸

彫燕喜桃天室家未遂正是玄豹夜寒和霧隱
驪龍春暖抱珠眠前日汾陽王郭子儀慕我才
名徵爲記室我以春試在邇不赴其招誰想一
到長安吐蕃入寇駕幸陝州棘闥暫輟久居旅
邸囊橐蕭然怎生是好

錦纏道我漫有筆凌雲詞華燭天待詔赴長安又
誰知罷春闈尚困寒毡我本是凌霜騎隱霧姿摩
霄羽翰到如今阨蓬蒿伏櫪棲山歎息損朱顏帝
京塵把貂裘盡染拂青萍白日寒禁不住氣冲碧

漢竟何年遇主奏甘泉

小生扮店主人上

獻策未

得意况復柳條春爲客黃金盡居停有主人自
家店主人是也南康張相公寓居小店春試無
期客懷消阻不免進去解勸他一番多少是好
相見介生

店主人小生久寓貴店房金酒價未

有所償自懷慚媿

小生

呀張相公說那裡話我

看你貌如冠玉陳孺豈常貧才比南金顧榮終
自顯小子自慚無一飯之奉安敢望千金之酬
區區長物不必掛懷

生

店主人雖承雅意只是

我若馮衍之漂流類相如之貧窶當此艷陽天
氣觀景傷懷轉覺淒楚人也

錦庭樂看游絲把愁懷亂聽語燕把鄉心頻喚歎
囊底轉自淒然怎能殼三府招賢幸居停見憐意
殷勤好教人三謝難安

古輪臺

小生

你氣昂然似陸機入洛正青年蘭薰

桂馥人堪羨文成繡虎譚擅雕龍更鴻都學冠羣
賢自是明月隋珠連城卞璞何妨暫爾受迤邐雖
則牀頭金盡又非關名落孫山分明是洛陽季子

臨邛司馬長安曼倩豈久困塵寰從今去願君好
着祖生鞭張相公此間有一袁大娘精于易理賣
卜東郊明日去問他一卦以卜行藏何如

生這

也使得明日就行

尾聲龍蛇倚伏今難辨不惜君平買卜錢

小生應

把他鄉意緒寬

生草色青青柳色黃

春風拂地日空長

小生多才自有雲霄望

計日應追鵷鷺行

第三齣

寵賜

齊天樂

淨冠帶扮元載末雜從上

巍巍位列三台

上尊貴當今誰讓入柱承天四時成歲共道功垂
霄壤威權無兩看餽獻填門寶玩盈筐初度欣逢
瑤池遙引佐霞觴詔下黃麻拜上公衮衣玉帶聖
恩隆台階上應三光象槐位還同五岳崇下官
姓元名載鳳翔岐山人氏官居宰相職掌朝綱
寵冠九重當代之臣僚少匹富傾四海歷朝之
宰輔無雙夫人王氏共傳婦道母儀小女湘英
更喜天才國色今乃下官誕辰正值艷陽佳景

夫人已曾分付安排筵席慶賞院子請夫人小姐出來
末應請介老旦扮王氏旦扮湘英小旦扮冰夷上老旦

寶鼎現簾櫳紅日上舞臺金簇粧樓珠晃聽鳥語
笙簧疊奏看瑤堦綉茵初長旦窺鏡雙眉裁柳葉

玉臉桃花一樣

合

喜二月龍生壽筵正列良辰堪

賞

相見介老旦

今日相公華誕壽酒俱已準備在

此

淨

將酒過來

送酒介淨

錦堂月

瑞日當陽祥風繞席春來武陵溪上

老旦

金母蟠桃今朝正看初放鋪雲幄玄圃芝鮮薦霞
杯赤城標上合須歡暢惟願花下年年共看無恙

前腔

旦

稱觴瑞液瀼瀼花源馥馥春歸萬年枝上

日月移來雲霞綴成黼帳

小旦

任鸞歌歲月休論

聽鶴語春秋難量

合前小生扮內官捧煖金盒上

淑景風光媚皇恩寵賜重捧觀珍質麗拜受聖

心崇

末報介老旦旦小旦暫退介小生進上立

介

奉萬歲爺聖旨道老相公壽誕特將西域所

貢煖金盒賜與老相公此盒所在雖是寒時一

室暄熱不暇爐炭乃無價之寶

淨

下官方慚曠

職忽被殊恩實切媿感分付快排酒席管待中

貴

小生

上命難稽就此告別願續南山壽千春

奉聖躬

淨送小生下仍進介

夫人聖上念下官

虛度將此煖金盒賜與下官此盒乃西域所貢
所在去處便覺和煖真至寶也女孩兒你可將
去好好收藏勿得輕用

旦應介淨

醉翁子

曠蕩這恩寵誰人敢望看製出天工光分

僊掌

老旦

還想是義取斷金作礪阿衡相倚仗

合